

Ujaqqanik pinneraasiassanik annikitsumik aatsitassarsiornermik tunngaveqartumik kalaallit ujaqqanik pinneraasiassanik avammut tunisassiornerup ineriartortinneqarnissaanut periarfissanik nassuiaasioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuiaat ujaqqanik pinneraasiassanik kalaallit tunisassianik avammut tunisassiornerup akimmiffiiniq periarfissaanillu aamma allaatiginniffioqquneqarpoq.

(Inatsisartunut ilaasortaq Aqqaluaq B. Egede, Inuit Ataqatigiit)

Akissutitut allakkiaq

(Inuussutissarsiornermut, Aatsitassaqaqarnermut Suliffeqaqarnermullu Naalakkersuisoq)

Siullermeertumik oqaluuserinera

Aallarniutigalugu Inatsisartunut ilaasortap Aqqaluaq B. Egedep ujaqqanik pinneraasiassanik annikitsumik aatsitassarsiornermik tunngaveqartumik kalaallit ujaqqanik pinneraasiassanik avammut tunisassiornerup ineriartortinneqarnissaanut periarfissanik Naalakkersuisut nassuiaasioqqullugit peqquneqarnissaat pillugu siunnersuutaanut qujavunga.

Ujaqqanik pinneraasiassanik annikitsumik aatsitassarsiornermik ingerlataqarneq tassaavoq suliassaqaqfik annertuumik ilippanaateqarfiusinnaasoq, suliassaqaqfillu taanna tulleriiaarinermi pingaartitatut inissittariaqaqarneranik Naalakkersuisut hr. Egede isumaqatigaat.

Taamaattumik Naalakkersuisut suliniutit arlallit aallartisareersimavaat, ujaqqanik pinneraasiassanik annikitsumik aatsitassarsiornermik suliassaqaqfiup pitsaanerusumik ineriartortinnissaa pillugu, kiisalu ullumikkut inuit ujaqqanik pinneraasiassanik annikitsumik aatsitassarsiornermut akuersissummik pissarsereersimasunut pitsaanerusunik periarfissiiniarlutik.

Kalaallit Nunaanni ujaqqanik pinneraasiassanik ilippanaateqartunik naliliinissaq siunertaralugu Inuussutissarsiornermut, Aatsitassaqaqarnermut Suliffeqaqarnermullu Naalakkersuisoqaqarfiimi piareersaatitut misissuineq aallartinneqarsimavoq. Misissuineq taanna tunngavigalugu nunatsinni ujaqqat pinneraasiassat peqqissaarussamik nalunaarsornissaannut sumiiffiit sorliit iliuseqarfiusinnaanerinik naliliisoqarniarpoq. Ujaqqanik pinneraasiassanut tunngatillugu annikitsumik aatsitassarsiornermik suliqaqarnissamut periarfissat immikkut ittumik sammineqassapput, aamma sumiiffiit annikitsumik aatsitassarsiornermuinnaq akuersissuteqarfissatut neqeroortitsiviginissaannut periarfissat immikkut ittumik sammineqassallutik.

Naalakkersuisut paasissutissiissutigisinnaavaat Qeqertarsuatsiaat eqqaanni sumiiffiit katillutik 247 km²-inik annertussusillit misissuilluni ujarlernissamik qinnuteqaateqarfineqarsinnaajunnaaqqagallartut, tassani siunertarinqarluni sumiiffiit, imaluunniit taakku ilaat ujaqqanik pinneraasiassanik annikitsumik aatsitassarsiornermik ingerlatsitsiviginissaannut naleqquttuunersut misissorluarneqarnissaannik.

Annikitsumik aatsitassarsiornermut akuersissutinik piginnittunut sumiiffinnik naleqquttunik atugassaqaqarfiinissap isumaginissaata saniatigut ujaqqanik pinneraasiassanik suliassaqaqarfiusumi annikitsumik aatsitassarsiornermut akuersissutinik piginnittut ilisimasaasa annertusarnissaannut pitsaanerusunik periarfissinnissaat Naalakkersuisut

assupilussuaq pingaartippaat. Tamakku suliassat aamma siunnersuutigineqartutut GeoSurvey Greenlandimit (GSG-imit) isumagineqarlutik siulersorneqassapput. Aatsitassanut tunngatillugu aaqqissuulluakkamik misissuinissamik ilinniartitsineq, geologiimik (ujarassiornermik) ilinniartitsineq aamma gemmologiimik (ujaqqanik pinneraatnik ilisimatusarnermik) ilinniartitsineq, ujaqqat pinneraasiassat pitsaassusaannik naliliisarnerit, kiisalu paasisitsiniutitut atugassanik atugassiornerit tassaapput GSG-ip assersuutitut suliassai tamarmik annikitsumik aatsitassarsiornerissamut akuersissutinik piginnittunut toqqaannartumik isumaliutigineqartut. Ujaqqanik pinneraasiassanik aatsitassarsiorfeeraliornissaq sioqqullugu ujaqqat pinneraatit pillugit ilisimasanik qaffassaanikkut iluatsitsilluarnissamut ilimanaataasut annertunerussapput.

Naalackersuisut aamma Naalackersuisoqarfiit akimorlugit suleqatigiissitat, Ujaqqanik pinneraasiassanik immikkoortortaqarfimmik taaneqartartoq pilersissimavaat, taassumalu oqartussaasunit suliassat immikkut ittuusut ujaqqanik pinneraasiassanut tunngasunut suliaqarfimmut attuumassutillit isumagissavai. Immikkoortortaqarfimmut tassunga atapput immikkut ilisimasallit gemmologinik geologinillu inuttallit, Kalaallit Nunaanni Naliliisartoqatigiit (Grønlands Vurderings Gruppe) ujaqqat pinneraasiat tunineqarnissaat sioqqullugit akigititaasussanik aalajangersaasartutut suliaqartussat. Annikitsumik aatsitassarsiornermik akuersissutinik piginnittut ujaqqat pinneraasiassa tunineqarnissaat sioqqullugit akigititaasussanik aalajangersaasarnerup saniatigut suleqatigiit nunani tamalaani ujaqqanik pinneraasiyanik niuerfiusuni sunik pisoqartarneranik ilisimasaqartussaassapput, avammut niuernermit periarfissat ilanngullugit. Ilisimasat taakku ujaqqanik pinneraasiassanik suliaqarfimmi paasissutissatulli allatut pingaaruteqartutut siammartiterneqassapput, taamaalillutik annikitsumik aatsitassarsiornermik akuersissutinik piginnittunut iluaqutaassallutik.

Ujaqqanik pinneraasiassanik annikitsumik aatsitassarsiornermik ingerlatsineq tassaavoq Naalackersuisut soqutigilluinnarlugu eqqumaffigisaat, tamannalu aamma uuliasiornermut aatsitassarsiornermullu periusissiap nutaap ilaattut taaneqarneranut tunngaviuvoq. Naalackersuisut neriuutigaat suliarisassat nutaat ingerlannerisigut ujaqqanik pinneraasiassanik suliassaqarfiup annertunerusumik qitiutinneqalernissaa nunatsinni innuttaasunut iluaqutaajumaartoq.

Oqaatigineqareersutut siunnersuut sulianut Naalackersuisut suliareriigaanut assinguvoq.

Taamaattumik siunnersuut akuerisassanngorlugu Naalackersuisut innersuussipput.